

UNIVERZITET U SARAJEVU  
FAKULTET POLITIČKIH NAUKA  
SARAJEVO

PRIMLJEN	18	01	2022.
Org. jeda.	Grp.	Prilog	Vrijednost
02-1-34-1			/2022 -

Na osnovu člana 104. Statuta Univerziteta u Sarajevu i prijedloga Odsjeka za sigurnosne i mirovne studije, a u vezi sa članom 106. Stav (2) Zakona o visokom obrazovanju (Službene novine Kantona Sarajevo broj 33/17, 35/20, 40/20 i 39/21), te po prethodnoj saglasnosti sekretara, Vijeće Fakulteta političkih nauka Univerziteta u Sarajevu, na sjednici održanoj 11.01.2022. godine donijelo je odluku o imenovanju članova Komisije za izbor nastavnika u zvanje redovan profesor na naučnu oblast *Sigurnosne i mirovne studije* na Fakultetu političkih nauka u Sarajevu, u sastavu:

1. Dr. sc. Izet Beridan, profesor emeritus, predsjednik Komisije,
2. Dr.sc. Nerzuk Ćurak, redovni profesor, član Komisije,
3. Dr.sc. Vlado Azinović, redovni profesor, član Komisije.

Nakon izvršenog uvida u podnesene prijave, Komisija podnosi Vijeću Fakulteta političkih nauka Univerziteta u Sarajevu slijedeći

### IZVJEŠTAJ

Konkurs za izbor akademskog osoblja – nastavnika u zvanje redovan profesor na naučnu oblast *Sigurnosnih i mirovnih studija* objavljen je u listu „Dnevni avaz“ i na internet stranici Fakulteta političkih nauka u Sarajevu dana 13.12.2021. godine. Na konkurs se prijavio dr.sc. Darwin Lisica sa blagovremeno popunjenom prijavom koja je protokolirana pod brojem 02-1-1733-1/21 od 16.12.2021. godine, o čemu je izdata potvrda sekretara Fakulteta političkih nauka Univerziteta u Sarajevu o pristiglim prijavama br. 03-1-1733-2/21 od 28.12.2021. godine.

## I Osnovni biobibliografski podaci kandidata

Dr.sc. Darvin Lisica je rođen 12.07.1961. godine u Zadru, Republika Hrvatska. Diplomirao na Vojnoj akademiji Kopnene vojske, smjer protuzračne odbrane u Beogradu i Zadru, magistrirao i doktorirao na Fakultetu političkih nauka Univerziteta u Sarajevu.

Do 1992. godine službovao je u JNA (RV i PVO). Od 1992. do 1996. godine je na dužnostima u Oružanim snagama Bosne i Hercegovine kao komandant samostalnog divizionu i brigade. Od 1999. godine radio je u Federalnom centru za uklanjanje mina, a od 2002. do 2006. godine je obavljao dužnost pomoćnika direktora za operacije u Centru za uklanjanje mina u Bosni i Hercegovini u sastavu Ministarstva civilnih poslova Bosne i Hercegovine. Od 2006. godine je u nevladinoj organizaciji Norveška narodna pomoć (Norwegian People's Aid) sa središtem u Oslu, Norveška, gdje je bio na dužnostima rukovodioca Programa za Bosni i Hercegovinu i regionalnog direktora za jugoistočnu Evropu. Trenutno obavlja dužnost glavnog stručnog savjetnika (Global Chief Technical Advisor) u Odjelu za protuminsko djelovanje i razoružanje Glavnog ureda Norveške narodne pomoći u Oslu. Odjel djeluje sa svojim programima u 20 zemalja širom svijeta sa preko zaposlenih 2.000 ljudi. Pored poslova nadzora, evaluacije i upravljanja kvalitetom u odjelu i programima Norveške narodne pomoći, dr. Lisica se bavi razvojem novih metodologija za upravljanje rizicima i razvojem sistema za obrazovanje kadrova organizacije. Izvodio je obuku u upravljanju kvalitetom i operativnom i strateškom planiranju kadrova Norveške narodne pomoći, njezinih partnerskih i državnih organizacija u Bosni i Hercegovini, Srbiji, Crnoj Gori, Afganistanu, Tadžikistanu i Angoli.

Dr. Lisica je u radnom odnosu sa 25% radnog vremena na Odsjeku za sigurnosne i mirovne studije Fakulteta političkih nauka Univerziteta u Sarajevu. Izabran u zvanje docenta kao nastavnik za predmet Proliferacija i politike razoružanja na Odsjeku Sigurnosnih i mirovnih studija na Fakultetu političkih nauka u Sarajevu, odlukom Fakulteta br. 02-01-673-1/11 od 20.05.2011. godine, od tada u kontinuitetu nastavnik na ovom predmetu. Izabran u zvanje vanrednog profesora na naučnoj oblasti Sigurnosnih i mirovnih studija na Fakultetu političkih nauka Univerziteta u Sarajevu, odlukom Univerziteta br. OU-3090 od 04.05.2016. godine. Od tada je u kontinuitetu nastavnik na predmetima: *Planiranje u sektoru sigurnosti* (prvi ciklus), *Proliferacija i politike razoružanja* (drugi ciklus) i *Sigurnosni rizici* (treći ciklus).

Od izbora u zvanje vanrednog profesora u maju 2016. godine, uspješno je obavio šest mentorstava na drugom i jedno mentorstvo na trećem ciklusu studija.

Od izbora u zvanje vanrednog profesora u maju 2016. godine, dr. Lisica je vodio nekoliko istraživačkih projekata pod okriljem Norveške narodne pomoći, a koje su financirali Vlada Kraljevine Norveške, Razvojni program Ujedinjenih naroda i Evropska unija. Bio je vođa projekta i autor originalnog metoda: *Razvoj i testiranje metodologije za procjenu rizika naseljenih mjesta u okolini skladišta municije i minsko eksplozivnih sredstava u Bosni i Hercegovini*. Projekt je urađen za potrebe Ministarstva obrane Bosne i Hercegovine. Dr. Lisica je autor studije: *Razvoj i testiranje metodologije za procjenu rizika naseljenih mjesta u okolini skladišta municije i minsko eksplozivnih sredstava*. Studija je sačinjena na engleskom i hrvatskom jeziku 2018. godine, a nije javno publicirana zbog osjetljivosti informacija koje se odnose na vojne objekte. Sažetak studije je objavljen kao članak u zborniku radova 13. znanstveno-stručne konferencije „Dani kriznog upravljanja“ 2020. godine. Originalni metod procjene rizika je pretočen u standardne operativne procedura, čiji je koautor, a koje su u operativnoj primjeni u kontinuitetu od njihovog odobrenja do danas, kako u Bosni i Hercegovini, tako i u drugim zemljama

Dr. Lisica je osmislio i razvio originalnu metodu i pripremio standardne operativne procedure za procjenu rizika od zaostalih mina i drugih eksplozivnih sredstava 2018. godine. Metoda i standarde operativne procedure primijenjene u općoj procjeni minski sumnjivih područja u Bosni i Hercegovini. Tokom 2019-2020. godine, opću procjenu su uspješno izvele zajedno tri organizacije na čitavoj teritoriji Bosne i Hercegovine: Centar za uklanjanje mina u Bosni i Hercegovini, Oružane snage Bosne i Hercegovine i nevladina organizacija Norveška narodna. Projekt je financirala Evropska Unija. Ažurirani su postojeći i dobiveni novi podaci o stanju kontaminacije sa minama, kasetnom municijom i drugim eksplozivnim sredstvima, broju ugroženih stanovnika i društvenom, ekonomskom, okolišnom i drugom utjecaju zaostalih eksplozivnih sredstava na stanovništvo, naseljena mjesta i privredi. Rezultati opće procjene će biti osnova za planiranje, organiziranje i provođenje aktivnosti državnih i drugih organa Bosne i Hercegovine u protuminskom djelovanju. Rezultati opće procjene su objavljeni 2020. godine strane Komisije za deminiranje u Bosni i Hercegovini. Na temelju opće procjene protuminskog djelovanja dr. Lisica je bio voditelj strateške analize i izrade srednjoročnog plana u koju su, pored Centra za uklanjanje mina u Bosni i Hercegovini, bile uključeni

Ministarstvo obrane i Oružane snage Bosne i Hercegovine, snage EUFOR-a, entitetske Civilne zaštite, sve nevladine i komercijalne organizacije akreditirane za protuminsko djelovanje i ambasade ili predstavništva donatora (Norveške, SAD, Švicarske, Njemačke, Europske Unije, Razvojni Program Ujedinjenih naroda i dr.).

Dr. Lisica je bio vođa projekta NVO Norveška narodna pomoć: *Testiranje bespilotnih letjelica sa termalnom kamerom za detekciju eksplozivnih sredstava u kontaminiranim područjima*. Recenzent je studije koju je sačinio konsultant na projektu dr.sc Bajić Milan 2020. godine: *Testing of remotely piloted aircraft systems with a thermal infrared camera to detect explosive devices at contaminated areas and validation of developed standard operational procedures*. Objavljeno na [www.researchgate.net](http://www.researchgate.net) i [www.npaid.org](http://www.npaid.org). Projekt je financirala Vlada Kraljevine Norveške.

Nakon izbora u zvanje izvanrednog profesora dr. Lisica je učestvovao u radu više simpozija, te bio član uredništva izdanja ili programskog odbora sljedećih međunarodnih simpozija: (1) The 14<sup>th</sup> International Symposium „Mine Action 2017“, 25.-27.04.2017. godine, Biograd, Hrvatska. Član uredništva izdanja radova simpozija. Član programskog odbora Simpozija; (2) The 15<sup>th</sup> International Symposium „Mine Action 2018“, 09.-12.04.2018. godine, Biograd, Hrvatska. Član programskog odbora Simpozija; (3) International Symposium „Mine Action 2021“, 16.-18.06.2021. godine, Novi Vinodolski, Hrvatska. Član programskog odbora Simpozija.

Objavio je knjige *Upravljanje rizicima u planiranju protuminskim akcijama*, i njezinu englesku verziju *Risk management in mine action planning*, 2006. godine, te Sigurnosni rizici i temeljne društvene vrijednosti u Bosni i Hercegovini u dva toma - Knjiga 1. Temeljne društvene vrijednosti, Knjiga 2. Sigurnosni rizici, 2011. godine. Od izbora u zvanje vanrednog profesora na Odsjeku za sigurnosne i mirovne studije Fakulteta političkih nauka u Sarajevu, dr. Lisica je objavio dvije knjige kao autor ili koautor: *Proliferacija i politike razoružanja, 2011*; *Planiranje u sektoru sigurnosti, 2011*, obje u izdanju Fakultet političkih nauka Univerziteta u Sarajevu. Pored knjiga, autor je ili koautor članak u stručnim publikacijama i zbornicima čiji se prikaz nalazi uz prijavu uz konkurs kao prilog br. 2.

Kandidat dr.sc. Darwin Lisica aktivno se služi engleskim jezikom.

## II Popis objavljenih radova iz naučne oblasti Sigurnosnih i mirovnih studija od izbora u akademsko zvanje vanrednog profesora

### Knjige:

Lisica Darvin (2021) *Proliferacija i politike razoružanja*. Sarajevo: Fakultet političkih nauka.

Lisica Darvin, Bajramović Zlatan (2021) *Planiranje u sektoru sigurnosti*. Sarajevo: Fakultet političkih nauka.

### Članci

Lisica Darvin (2016) *Application of targeted technical survey in Bosnia and Herzegovina: Development of advanced techniques for data collection and assessment, standard operational procedures and building of national capacities*. The 13th International Symposium „Mine Action 2016“, Book of Papers. Zagreb: HCR-CTRO.

Lisica Darvin (2016) *Lessons learned through partnership between Ministry of Defence of Bosnia and Herzegovina and Norwegian People's Aid on implementation of capacity building of Demining Battalion of Armed Forces*. The 13th International Symposium „Mine Action 2016“, Book of Papers. Zagreb: HCR-CTRO.

Lisica Darvin, Kolenda Davor (2017) *Mine action as a security imperative in Bosnia and Herzegovina*. The 14th International Symposium „Mine Action 2017“, Book of Papers. Zagreb: HCR-CTRO.

Lisica Darvin, Bajić Milan, Pandurević Braco, Džinić Saša (2019) *Testing of unmanned aerial vehicles with a thermal camera to detect explosive devices at contaminated areas and development of the methodology for survey and risk assessment*. The 16th International Symposium „Mine Action 2019“, Book of Papers. Zagreb: Ministarstvo unutarnjih poslova RH, HCR-CTRO.

Lisica Darvin, Kenan Muftić (2019) *Testing of Digger DTR GPS Smart for MDD in Norwegian People's Aid Global Training Centre for Mine and Explosive Detection Dogs*. The 16th International Symposium „Mine Action 2019“, Book of Papers. Zagreb: Ministarstvo unutarnjih poslova RH, HCR-CTRO.

Lisica Darvin (2020) *Razvoj metodologije procjene rizika od eksplozija za naselja u blizini skladišta streljiva i minsko-eksplozivnih sredstava u Bosni i Hercegovini*. 13. znanstveno-

stručna konferencija „Dani kriznog upravljanja“, Zbornik radova. Velika Gorica. Veleučilište V. Gorica.

Lisica Darvin, Bajić Milan (2021) *Evaluation of the use of unmanned aerial vehicles in-country assessment of suspected hazardous areas in Bosnia and Herzegovina*. International Symposium „Mine Action 2011“, Book of Papers. Zagreb: Ministarstvo unutarnjih poslova RH, HCR-CTRO.

Kenan Muftić, Lisica Darvin (2021) *Testing of new imprinting technique for the training of mine detection dogs on a carousel scent discrimination device*. International Symposium „Mine Action 2011“, Book of Papers. Zagreb: Ministarstvo unutarnjih poslova RH, HCR-CTRO.

### **III Učešće na međunarodnim i domaćim konferencijama i skupovima od izvora u akademsko zvanje vanrednog profesor**

The 13th International Symposium „Mine Action 2016“, 26.-29.04.2016. godine, Biograd, Hrvatska. Izlaganje po temama: (1) *Application of targeted technical survey in Bosnia and Herzegovina: Development of advanced techniques for data collection and assessment, standard operational procedures and building of national capacities*; (2) *Lessons learned through partnership between Ministry of Defence of Bosnia and Herzegovina and Norwegian People's Aid on implementation of capacity building of Demining Battalion of Armed Forces*.

The 14th International Symposium „Mine Action 2017“, 25.-27.04.2017. godine, Biograd, Hrvatska. Izlaganje o temi: *Mine action as a security imperative in Bosnia and Herzegovina*.

The 16th International Symposium „Mine Action 2019“, 08.-11.04.2019. godine, Slano, Hrvatska. Izlaganje o temi: *Testing of unmanned aerial vehicles with a thermal camera to detect explosive devices at contaminated areas and development of the methodology for survey and risk assessment*.

Mine Action Technology Workshop, Basel, 7.-8.11.2019. godine. Izlaganje o temi: *Application of Digger DTR GPS Smart for MDD and UAV with colour and thermal camera in survey operations - An overview of results and ongoing testing in NPA*.

13. znanstveno-stručna konferencija „Dani kriznog upravljanja 2020“, Velika Gorica. Veleučilište V. Gorica. On-line.

International Symposium „Mine Action 2021“, 16.-18.06.2021. godine, Novi Vinodolski, Hrvatska. Izlaganje o temi: *Evaluation of the use of unmanned aerial vehicles in-country assessment of suspected hazardous areas in Bosnia and Herzegovina.*

#### **IV Pedagoški rad kandidata**

Dr.sc. Darvin Lisica iza sebe ima bogato iskustvo rada sa studentima kao suradnik u nastavi, docent i vanredni profesor. U studentskim evaluacijama redovno je ocijenjen visokim ocjenama. Pored angažmana na Fakultetu političkih nauka, posvećen je obrazovanju stručnih kadrova u primjeni metoda rada i upravljanju humanitarnim intervencijama na području razoružanja i zaštiti civilnog stanovništva u oružanim sukobima diljem svijeta.

#### **V Prijedlog Komisije**


Na konkurs se prijavio jedan kandidat, dr.sc. Darvin Lisica. Komisija je pažljivo proučila prijavu kandidata i jednoglasno smatra da dr.sc. Darvin Lisica ispunjava sve uvjete konkursa. Kandidat je zaposlen na Fakultetu političkih nauka Univerziteta u Sarajevu sa 25% radnog vremena. Opus njegovih objavljenih radova pripada oblasti sigurnosnih i mirovnih studija.

U svom naučnom i pedagoškom radu uspješno realizira svoj angažman na Fakultetu političkih nauka i u Norveškoj narodnoj pomoći, tako da je u prilici da povezuje teoriju i praksu sigurnosnih i mirovnih studija, posebno u ekspertizi problema kao što su ublažavanje posljedica oružanih konflikata u svijetu, politika razoružanja, neproliferacija i kontrola oružja. Kao glavni stručni savjetnik Norveške narodne pomoći, doprinio je razvoju i primjeni naučnih metoda u efikasnom upravljanju humanitarnim intervencijama u različitim državama svijeta: Čile, Peru, Kolumbija, Angola, Zimbabve, DR Kongo, Vijetnam, Kambodža, Irak, Libanon, Afganistan, Tadžikistan i zemlje jugoistočne Evrope. Svoj istraživački rad je usmjerio na protuminskoo djelovanje, uništavanje viškova oružja i municije, upravljanju sigurnosnim rizicima, te na planiranje u sektoru sigurnosti.

Imajući u vidu da je Konkurs raspisan za izbor u zvanje na naučnu oblast Sigurnosne i mirovne studije, uvažavajući ocjene sadržane u ovom izvještaju, te da je kandidat dugogodišnji nastavnik na Odsjeku sigurnosnih i mirovnih studija, komisija predlaže Vijeću Fakulteta političkih nauka da prihvati ovaj izvještaj i izabere dr.sc. Darvina Lisicu, vanrednog profesora, u zvanje redovnog profesora i uputi njegov izbor na potvrđivanje Senatu Univerziteta u Sarajevu.

Sarajevo, 17.01.2022. godine


### KOMISIJA



Dr. sc. Izet Beridan, profesor emeritus, predsjednik Komisije



Dr.sc. Nerzuk Ćurak, redovni profesor, član Komisije



Dr.sc. Vlado Azinović, redovni profesor, član Komisije